


9-may — Xotira va qadrlash kuni

Мустақиллик
йилларида юртимизда
инсон ҳаёти,
эркинлиги ва шаъни,
қадри ва хотираси,
жасорати ва
матонатини эъзозлаш
борасида амалга
оширилатган эзгу
ишлар ҳалқимизнинг
юксак таҳсини ҳамда
эҳтиромига сазовор
бўлмоқда.
Президентимизнинг
ташаббуси ва
таклифига биноан,
9 май — Хотира ва
қадрлаш куни, дея
эълон қилиниб, кенг
нишонланаётгани
замирида ҳам
олижаноб ва эзгу
мақсадлар мужассам.



ИНСОН ХОТИРАСИ МУҚАДДАС, ҚАДРИ УЛУҒ, ЖАСОРАТИ МАНГУ

Бу йил ушбу байрам Иккинчи жаҳон урушида қозонилган ғалабанинг 70 йиллиги ҳамда Кексаларни эъзозлаш йили муносабати билан юртимизда ёши улуғ инсонларга алоҳида эътибор ва ғамхўрлик кўрсатилаётган бир пайтда ўтаётгани янада аҳамиятлидир.

Ҳақиқатан ҳам, инсон хотиралар билан яшайди. Кечаги куннинг машаққатларини эслаб, оғир дамларни бугунги фараҳбахш ҳаёт билан муқояса қилсак, эзгулик, яхшиликни улуғлаб яшашга интиламиз. Бу ҳақда сўз борганда, аввал-

ламбор, давлатимиз раҳбарининг 1999 йил 2 мартдаги "9 майни **Хотира ва қадрлаш куни деб эълон қилиш тўғрисида**"ги Фармони ҳақида тўхталиш жоиз. Бундан 16 йил олдин қабул қилинган ушбу фармон Иккинчи жаҳон урушида фашизмга қарши курашиб ҳалок бўлган, мамлакатимиз озодлиги ва мустақиллиги учун жон берган Ватан фарзандлари хотирасини абадийлаштиришдек юксак мақсадлар ижобати йўлида қўйилган энг кутлуғ қадамлардан бўлди. Шу билан бир-

га, бу ҳужжат эл-юртимиз обрўини юксалтиришга, ёшларни тарбиялашга муносиб ҳисса қўшаётган фахрийларимизни ҳурматлашга қаратилгани билан янада катта тарихий аҳамият касб этгани ҳам ҳақиқатдир. Ўтган даврда ҳар йили 9 майда умумхалқ байрами сифатида нишонланадиган Хотира ва қадрлаш куни ўз ҳаётини Ватан озодлиги учун қурбон қилган юртдошларимиз хотирасига кўрсатилаётган эҳтиром, бугунги дориламон кунлар, тинч-осойишта ҳаётимиз ва

Хотира майдони — қадр майдони



Пойтахтимизнинг Юнусобод туманида истикомат қилувчи Султон бобо Ҳасанов май ойининг бешинчи куни эрта тонгда эварасини етаклаб, шаҳар марказидаги муаззам Хотира майдонига йўл олди. ...Минг тўққиз юз йигирма олтинчи йили Себзор даҳасидаги Файзиевлар хонадонидан учинчи фарзанд — иккинчи ўғил дунёга келди. Исминини Султон қўйишди. У ўз акаси Мирғани Файзиевни охириги марта олти ёшида кўрди. "Бир ярим ой давом этган ҳарбий тайёргарлик тугаши билан мени урушга олиб кетишди. Қарерда жанг қилишим номаълум."

Мирғани Файзиевдан келган олтинчи — сўнгги мактубнинг мазмуни шундай эди. Кун, ой, йиллар ўтди. Аскар йигитдан дарак бўлмади. Дийдор қиёматга қолди. (Давоми учинчи бетда)

Fuqarolik qonunchiligi

Меҳнат ҳуқуқи муҳофазаси

амалда самарали таъминланмоқда

Мамлакатимизда ҳар бир фуқаронинг шахсий, сиёсий, ижтимоий-иқтисодий ҳуқуқлари, хусусан, меҳнат ҳуқуқи ҳимояси амалдаги қонунчилигимиз асосида мустаҳкамлаб қўйилган. Зотан, Асосий қонунимизнинг 37-моддасида белгилаб қўйилгандек, ҳар бир шахс меҳнат қилиш, эркин касб танлаш, адолатли меҳнат шартларида ишлаш ва қонунда кўрсатилган тартибда ишсизликдан ҳимояланиш ҳуқуқига эга.

Шунингдек, Меҳнат кодекси ва бошқа қонун ҳужжатларида иш берувчи ва ходим ўртасида юзага келадиган ижтимоий муносабатлар, яъни ишга қабул қилиш, меҳнатга ҳақ тўлаш, ишдан бўшатилуви билан боғлиқ ҳуқуқий меъёрлар ўзининг теран ифодасини топган.

чи билан ходим ўртасида юзага келадиган меҳнатга оид низолар ходимларнинг вакиллик органи — касаба уюшмалари ёхуд фуқаролик ишлари бўйича судлар томонидан кўриб чиқилиши ва қонун доирасида ҳал этилиши лозим.

Айтиш жоизки, иш берув-

(Давоми учинчи бетда)

Huquqiy ma'rifat

Гаров шартномаси — манфаатлар кафолати

уни тузишда тарафлар қонунда белгиланган қоидаларга тўлиқ риоя этиши зарур

Гаров — амалдаги фуқаролик қонунчилигига кўра, мажбуриятларнинг бажарилишини таъминлаш воситаларидан бири ҳисобланади. Фуқаролик кодексининг 264-моддаси ва "Гаров тўғрисида"ги қонуннинг 1-моддасига мувофиқ, бир шахснинг бошқа шахсга мол-мулкни ёки унга бўлган ҳуқуқини мажбуриятларни таъминлаш учун бериши гаров ҳисобланади.

(Давоми иккинчи бетда)

Ўзбекистон Республикаси Олий судида

Шу кунларда юртимизда Хотира ва қадрлаш кунига бағишланган тадбирлар юксак ташкилий савияда ўтказилмоқда. Олий судда бўлиб ўтган ана шундай байрам тадбирида суд фахрийлари иштирок этди.

Ҳар қандай жамиятнинг ёши улуғ инсонларга бўлган эътибори ва ғамхўрлиги унинг маданий даражасини белгилайди. Шу маънода, бугун мамлакатимизда кексаларга ҳурмат-эҳтиром, меҳроқибат кўрсатиш маънавий ҳаётимизнинг узвий қисмига айланган.

Юртимизда инсон ҳаёти, эркинлиги ва шаъни, қадри ва хотираси, жасорати ва матонатини эъзозлаш борасида амалга оширилатган эзгу ишлар таҳсинга сазовордир. Истиқлол йилларида мамлакатимизда Иккинчи жаҳон урушида ўз жонини қурбон қилган юртдошларимиз хотирасини абадийлаштиришга доир кенг кўламли чора-тадбирлар амалга оширилди. Тошкент шаҳри ва барча вилоятлар марказларида ташкил этилган Хотира майдонларидаги хотира китобларида уруш йилларида ҳалок бўлган ва бедарак кетганларнинг номлари зарҳал ҳарфлар би-

лан битилган. Бу уларнинг мардлиги ва жасорати эътирофи бўлиб, биз, авлодларни ушбу уруш фожиясидан сабоқ чиқаришга даъват этади, айни пайтда мамлакатимизда инсон хотираси абадий, қадр-қиммати муқаддас эканини тасдиқлайди.

Тадбирда ўтганларнинг хайрли ишларини ёдга олиш, фахрийларимизнинг жасорати ва матонатини улуғлаш, нурунийларимизни қадрлаш ҳамда эъзозлаш бугунги саодатли давр авлодлари учун ҳам фарз, ҳам қарз экани таъкидланди. Бинобарин, ота-боболаримиз анъаналарини давом эттириб, миллий қадриятларимизни эъзозлаб келадиган халқимиз, айниқса, ёш авлод мамлакатимизда ҳукм сураётган тинчлик-осойишталик ва барқарорликнинг қадрини яхши билади, дунёга доврқ таратган буюк аждодлар авлоди экани билан фахрланади.

Ўз мухбиримиз

Суд ҳуқуқ тизимини изчил демократлаштириш ва либераллаштириш Мамлакатимизда демократик ислохотларни янада чуқурлаштириш ва фуқаролик жамиятини ривожлантириш концепциясининг устувор йўналишларидан биридир. Шунга биноан соҳада кечаётган ўзгариш ва янгиланишлар инсон ҳуқуқларини ишончли ҳимоя қилиш самарадорлигини оширмоқда. Хусусан, судлар фаолиятининг тобора такомиллаштирилиши одил судловни қарор топтиришда муҳим омил бўлаётди.

Концепция: устувор вазифалар

Фуқаролик ишларини назорат тартибида кўриш:

СУД АМАЛИЁТИ ВА ҚОНУНЧИЛИК

Бинобарин, Ўзбекистон Республикаси Конституциясида белгиланганидек, ҳар бир шахсга ўз ҳуқуқ ва эркинликларини суд орқали ҳимоя қилиш, давлат органлари, мансабдор шахслар, жамоат бирлашмаларининг гайриқонуний хатти-ҳаракатлари устидан судга шикоят билан муурожаат этиш ҳуқуқи кафолатланади. Муурожаатлар ва фуқаролик ишларининг қонуний кўриб, ҳал этилиши, суд томонидан қабул қилинган ҳар қандай қарорнинг амалдаги қонун меъёрларига мос бўлиши инсон ҳуқуқлари устуворлигини таъминлайди. Маълумки, фуқаролик ишларини кўриш тартиби ва муддатларини белгилувчи асосий ҳужжат — амалдаги Фуқаролик процессуал кодекси ҳисобланади.

Мазкур кодекснинг 39-бобида қонуний кучга кирган ҳал қилув қарорлари, ажримлар ва

қарорларнинг қонуний, асосли ва адолатли эканигини текшириш юзасидан нормалар белгиланган.

Фуқароларнинг бузилган ҳуқуқларини тиклашда, жумладан, суд ҳатотликларини барта-раф этиб, ягона суд амалиёти-ни жорий этишда мазкур на-зорат институтидан кенг фой-даланилаётгани эътибор-лидир. 2013 йилда 277 та, 2014 йилда 361 та фуқаролик иши назорат инстанциясида кўри-либ, суд ҳатотликлари тўғри-ланганини бунга мисол қилиб кел-тириш мумкин.

Бугунги кунда фуқаролик иши апелляция ёки кассация инстанциясида кўрилган ёхуд биринчи инстанция суди ҳал қилув қарори қонуний кучга кирган, бир йил, яъни касса-ция шикояти бериш муддати ўтгач, ишдаги тарафлар то-монидан тааллуқлилиги бўйи-ча дастлаб вилоят суди раис-

(Давоми учинчи бетда)

